

李二曲先生遺墨
草書

一函
二冊

壽言

賢哉鄔邑

王母李夫人之教子世之

鬚眉丈夫號稱善教者

有所弗若也世之善教

者不過教以舉業期以

科第以圖富貴利達已

耳乃夫人之教其子

王生爾緝也則異是蓋

自爾緝能食能言即教

之以正一言一動弗納

於邪務令內謹心術外

謹行履爾緝凜遵母教

從幼不羣年未弱冠游

庠食饌文名藉甚邑人

嘖：嘆羨咸稱。夫人

為有子莫不起敬起仰

期以魏科。夫人則謂

人生要當以聖賢為期

科第固所藉以進身德

業尤所本以立身苟德

業不足即幸掇巍科躋

膺仕非所願也於是過

聽虛聲誤以為余於聖

賢之道似粗有所聞遣

爾緝遠離膝下俾從余

學其內外親眷及邑之

素愛爾緝者恐於舉業

有妨交諷互阻譬引百

端
夫人持意彌堅終

不為移脫簪珥以資繼

畧爾緝每歸覲省隨從

之旋館戒曰德業弗成

學弗底於聖賢吾恥見

汝亦何顏見汝妻孥

及邑之故舊耶念之念

之母忝爾所生詔尊諄

至悉出世俗允恒之外

昔范孟博母幸其子與

李杜齊名不計其他蘇

長公方十歲即願為滂

其太夫人即願為滂母

彼沽之
一節論者猶稱

為千載艷聞况
夫人

以宇宙完人望其子尤

為空谷足音絕無而僅

有行且與孟母媿芳滂

母云乎哉余竊以為異